

Шайтонни ҳам қўрқитган нарса | Ҳадис дарслари (301-дарс)



Ҳадис
ДАРСЛАРИ

301-ДАРС

Шайх Муҳаммад Содиқ Муҳаммад Юсуф роҳимаҳуллоҳнинг «Ҳадис ва ҳаёт» туркум китоби асосида бериб борилади. Мавзуларнинг тўлиқ матни билан танишиш учун китобнинг ўзига мурожаат қилиш тавсия этилади.

19:00 / 02 октябрь 1011

Намозхонларни сафга туришга чорлаш учун айтиладиган махсус такбир «иқомат» дейилади.

إِذَاءَامَنُوا الَّذِيْنَ يَأْتِيهَا : يَلَأَعَاتُ هَلَلَأَلَأَق

وَذَرُوا اللّٰهَ ذِكْرًا إِلَى فَأَسْعُوا الْجُمُعَةِ يَوْمٍ مِنَ الصَّلَاةِ نُودَى

تَعْلَمُونَ كُنْتُمْ إِنْ لَكُمْ خَيْرٌ ذَلِكَمُ الْبَيْعِ ٩

Аллоҳ таоло:

«Эй иймон келтирганлар, жумъа куни намозга нидо қилинса, бас, Аллоҳнинг зикрига шошилинг ва савдони қўйинг. Агар билсангиз, ана шундай қилмоғингиз сиз учун яхшидир», деган (Жумуъа сураси, 9-оят).

وَلِعِبَاءِ هَٰؤُلَاءِ اتَّخَذُوا الصَّلَاةَ إِلَىٰ نَادِيَّتُمْ وَإِذَا

Ва яна:

«Қачонки намозга нидо қилсангиз, уни масхара ва ўйин қилиб олурилар» деган (Моида сураси, 58-оят).

Бу икки оятдаги «нидо»дан мурод азон эканлиги очиқ-ойдин кўриниб турибди. Демак, азон Қуръонда зикр қилинган экан.

«Азон» сўзи луғатда «билдириш» деган маънони англатади. Шариатда эса фарз намознинг вақтини махсус сўз билан билдиришга «азон» дейилади.

Азон Қуръонда зикр қилинганини юқорида билдик, ҳадисларда қандай зикр қилинганидан намуналарни, Аллоҳ хоҳласа, энди ўрганамиз.

Азон айтиш биринчи ҳижрий санадан бошланган. Дастлаб мусулмонлар масжидда тўпланишар, намоз вақтини кутиб ўтиришар, вақт бўлганда эса намоз ўқир эдилар. Ибн Умар розияллоҳу анҳунинг айтишларича, насороларнинг зангига ўхшаш занг чалишни ёки яҳудийларнинг дудига ўхшаш дуд чалишни маслаҳат қилинган ҳоллар ҳам бўлган. Абу Довуд, Ибн Можа ва Доримийлар келтирган ривоятда Абдуллоҳ ибн Зайд ибн Абду Роббиҳ розияллоҳу анҳу қуйидагиларни айтадилар:

«Расулуллоҳ соллаллоҳу алайҳи васаллам одамларни намозга тўплаш учун занг чалишга амр қилганларида кечаси туш кўрдим. Олдимга занг кўтарган бир одам келди. Мен унга:

«Эй Аллоҳнинг бандаси, зангни сотасанми?» дедим.

«Бу билан нима қиласан?» деди у.

«У билан намозга чақирамиз», дедим.

«Бундан яхшироқ нарсани сенга айтиб берайми?» деди.

«Ҳа», дедим.

«Аллоҳу Акбар», дейсан, деб охиригача айтиб берди. Шунингдек, иқоматни ҳам айтиб берди. Тонг отиши билан Расулуллоҳ соллаллоҳу алайҳи васалламнинг ҳузурларига бориб, кўрган тушимни айтиб бердим.

У зот:

«Иншааллоҳ, бу ҳақ туш. Билолнинг ёнида туриб, кўрганингни айтиб бериб тур. У азон айтсин, унинг овози сеникидан кучли», дедилар.

Мен Билолга айтиб турдим, у азон айтди. Буни уйда туриб эшитган Умар ибн Хаттоб ридосини судраб, югуриб чиқди ва:

«Эй Аллоҳнинг Расули, сизни ҳақ ила юборган Зотга қасамки, мен ҳам шунга ўхшаш туш кўрдим», деди.

Расулуллоҳ соллаллоҳу алайҳи васаллам:

«Аллоҳга ҳамдлар бўлсин!» дедилар».

Имом Баззор қилган ривоятда Пайғамбаримиз алайҳиссаломга азоннинг Исро кечасида кўрсатилгани ва уни етти осмоннинг устидан эшитганлари ҳақида сўз боради.

Бу ривоятлардаги ҳодисалардан кейин бир минг тўрт юз йил ўтиб, ойга қадам босган америкалик фазогир ҳам ойда туриб, азонни эшитди. Бу овозни овоз ёзиш асбоблари орқали ёзиб олди. Йиллар ўтиб, фазогир Мисрга келиб, азонни эшитганида кўпчилик иштирок этаётган йиғилишда «Бу овозни ойда эшитган эдим», деб тан олди.

هَلَلَا يَضَرَّ رَعِيْرُهُ يَا بَأْنَ ع
هَلَلَا يَلَّصَّ يَا بَنَّ لَانَعُ، هُنَع
يَدُونِ إِذَا: لَأَقَمَّ لَسَوِ هِيَلَع

هَلْ وَنَاطِيَّ شِلَا رَبِّدَاةً أَلَّصَل
عَمَّ سَيَّ أَلَّ يَّتَحُّ طَارُض
يَضُقُّ إِذَا فَنِيذَاتِلَا
بَبُوثِ إِذَا يَّتَحُّ لَبَقَا نِيذَاتِلَا
إِذَا يَّتَحُّ رَبِّدَاةً أَلَّصَلَاب
يَّتَحُّ لَبَقَا بِيوْتَّتِلَا يَضُقُّ
هَسْفَانَوِ عَزْمَلَا نِيَبَ رُطْحِي
أَذَكُ رُكُذَاوِ أَذَكُ رُكُذَا هَلْ لُوقِي
لَبَقُ نَمُ رُكُذِي نُنْكَي مَلَّ أَمَم
يَرْدِي أَمُّ لُجْرَلَا لَظِي يَّتَحُّ
أَلَّ إِهَسْمَخَلَا هَاوَرِ . يَلَّصَمَك
نَا يَمَلُّسُمَلَوِ . يَزِمَّرْتِلَا
ءَادِنَلَا عَمَّسِ إِذَا نَاطِيَّ شِلَا

نُوكَيِّ يُّتَحَبَّهَذِةَالصَّلَاب ءَاخُورِلَانَاكَم

Абу Хурайра розияллоху анхудан ривоят қилинади:

«Набий соллаллоху алайҳи васаллам:

«Қачон намозга азон айтилса, шайтон азонни эшитмаслик учун орқасидан ел чиқариб, ортга қочади. Азон айтиб бўлинса, яна келади. Қачон иқомат айтилса, яна ортига кетади. Иқомат айтиб бўлинса, одамнинг дилига васваса солиш учун қайтиб келади. У олдин эсламай юрган нарсаларни айтиб, уни эсла, буни эсла, дейди. Ҳаттоки одам қанча намоз ўқиганини ҳам билмай қолади», дедилар».

Бешовларидан фақат Термизий ривоят қилмаган.

Муслим қилган ривоятда:

«Албатта, шайтон намозга азон айтилганини эшитса, Равҳогача бўлган масофага қочади», деганлар».

Шарҳ: «Равҳо» – Мадинаи Мунавварадан ўттиз-қирқ мил чамаси узоқликдаги жойнинг номи.

Ушбу ҳадисда азон ва иқоматнинг қанчалик фазилатли нарса эканлиги ҳақида сўз бормоқда. Дунёдаги барча ёмонлик, куфр, исён ва васвасанинг эгаси бўлган шайтонни шунчалик қўрқитган нарсалар фазилатли бўлмай, нима фазилатли бўлар эди?!

Азон айтилганда қаттиқ қочганидан шайтоннинг орқасидан ел чиқиб кетар экан. Бу ҳол Аллоҳни улуғлаш билан кўтарилган овоз унга нақадар қаттиқ таъсир қилишини кўрсатиб турибди.

Шунингдек, шайтоннинг ўттиз ёки қирқ мил узоқликка қочиши ҳам ҳазил иш эмас. Бу эса азон ва иқомат айтилган жойда шайтон бўлмайди, деганидир.

Шайтон инсонни намозда қандай васваса қилиши бу ҳадиси шарифда ажойиб услуб билан баён қилиб берилмоқда. Демак, намоз ўқиган пайтимизда ўша васвасадан узоқ бўлиш йўлларини ахтаришимиз лозим.

«Ҳадис ва ҳаёт» китобининг 4-жузи асосида тайёрланди.